

# 1 Petero

## *Yaizéze ac.*

<sup>1</sup> Yesu Kristoac Méliméli ic ni Peteronéj Ponto, Galatia, Kapadokia, Asia komoc, zéma Bitinia baec séc Anutuac hénaorinj kian éséc nec héndemma kekera

<sup>2</sup> Anutu maŋgoc ninanéj ménda hicnjicnec bec niénécmima Uŋa téréyanéj météré énécmiyu niŋtoho waŋgic, Yesu Kristoac sawanéj naec énécmima\* gési énécmima énépésiyec onac mia kiwi yomi oénécmizua. Ewa hiaya zéma lu-aeyanéj onac muru sécgéma hema kecmac.

<sup>3</sup> Mepésimini, neŋaŋ miŋ kewunina Yesu Kristoac maŋgocya Anutunéj wésé niniŋ kunéŋnec sécgémiyu Yesu Kristo i humuc ic sugina igucnec meqeli mima hena imuacnec neŋaŋ keckec qelia mihicŋi nénécmiyu niŋkinzénj qeli qeli he nénécmiyu kecanziŋ.

<sup>4</sup> Imuhuc wamma onac niŋ wamma kurumenjguc iwawai haihaiya hezac, ménda houhouya, ménda zapi qeqeya, ménda qahac wawaŋa, imi mératéc memu.

<sup>5</sup> Ini imi nalé tetecgiaiguc aŋgénj titi haka mewininimaŋ zé niŋu heyec imi késawiŋj zé niŋzénégic Anutuac kuhanéj inicgaleŋ waŋ énécmiyec.

<sup>6</sup> Imuac qeriginaiguc ini ségiségi wamma kecanzu. Waŋu hicŋi énécmimacac hezaciguc deguc

---

\* **1:2:** Sawanéj naec énécmima; Mmh 24:3-8, Heb 9:18-21.

manam batuc yéwéria hénia hénia niñac wamma nalé hotoñadac niñyéwérimu.

<sup>7</sup> Imi mia ninzén ninzénigina imi goli gericnéñ batucgéyu qahac wammacac hezac imuac séha ogicma hiabia wañu Yesu Kristoac hahayawac naléiguc mepé qepésigina zéma edamugina zéma eebipiginaguc wammu niñac réwéri imuhucya hicñi énécmikeczac.

<sup>8</sup> Yesu imi ini kicginanéñ ménda héngic, néñ kilenñ siñniñ wammianzu. Deguc acguc ménda hénzu, néñ kilenñ ninzénigéma ségiségi ménñ edamuyaguc hénia zéasariwiñac séc qahac imuhucya nimma kecanzu.

<sup>9</sup> Imi mia ninzén ninzéniginawac héla, qeri uñaginawac añgén titi imi énécmiyu memuac hezac imuac niñ imuhuc imuhuc ségiségi wamma kecanzu.

<sup>10</sup> Añgén titi imuac mia kua meme ic tosara ienenñ ewa hiaya onac muru mama hamacac heyec imuac héiqelima seliseli wamma hochoc ai megic.

<sup>11</sup> Megic ionac ewa qeriginaiguc Kristoac uñanéñ Kristo eñeyaoc imi qenzenñ manzenñ qema kecma imuac andiaiguc kiwi edamuyaguc wammac zéma walac énézéyec. Énézéyu ienenñ ic mérénéñ Kristo wanzac me némac naléiguc hicñimac zéma hochoc ai megic.

<sup>12</sup> Ic ienenñ imi eñañ ménda welenñ qeamugic, néñ onac welenñ qeénécmigic imuac zéau énécmiyu niñasarigic. Wañu imi mia Uña Téréya kurumenñ igucnec mayec inénñ buña suruc hiabiawac welenñ qeçe ic nanjé énécmiyu degucmi buña suruc

hiabia onac énézégic nindacgic. Waṅu kua meme uṅa eneṅ acguc hénia imi héntegicbiṅ zé wanzu.

<sup>13</sup> Imuac ini ewa qeriginawac rikunja zikima zéréṅ qéréṅ wamma séwiac siṅgina helanzi amuma kecmu. Waṅu Yesu Kristo hicṅitegicmac nalé imuaru inéṅ ewa hiawac waṅ énécmimac. Imuac niṅ ini imuac mia moczoṅ niṅkinzégéma kecmu.

<sup>14</sup> Kua tohotoho nambérac éséc nec kecmu, néṅ bec nec ménda niṅtegicma kecgic imuaru siṅ biria méndacma kecgic haka tanera imuac ménda tohoma kecmu.

<sup>15</sup> Téréya miṅina unuruyec iwac séciguc namma ini acguc wawaṅ memegina séc, ic téréya kecmu.

<sup>16</sup> Ac yomuhuc mia ooyawac heyu imuhuc zézua; Ni téréya keczua imuac niṅ ini acguc téréya kecmu.

<sup>17</sup> Ini Maṅgoc zémima qac héhélianzu inéṅ niṅgési énécmimaṅ zé icya icya séwi tanecgina ménda hémma ai memegina hémma niṅénécmianzac. Imuac baeciguc ic kian kecma eeya séha héimima kecmu.

<sup>18</sup> Ini ninzu éséc nec esaṅambéc hécgina ionac hena tima haka eṅomia waṅaṅgic imuac nec aṅgég tiénécmiyec imi siliwa me goli éséc nec iwawai kecma qahac waṅanzac imuhucyanéṅ boṅ héré ménda meénécmiyec.

<sup>19</sup> Rama wizi kukuya qahac kitic Képésira qahac éséc nec kekera Kristo iwac sacya eeyagucnéṅ boṅ héré meénécmiyec.

<sup>20</sup> I imi baec kurumeṅ ménda zéyu hicṅiyec nec gésimimiawac kerec. Waṅu nalé tetecgia yomuac onac niṅ wamma mewininimiyu hicṅiyec.

<sup>21</sup> Ini imi humuc ic sugina igucnec Kristo i meqelimima kiwi edamu asahanéj héimiyec Anutu iwac mia wamma Kristonéj énépésiyu ninzéngeanzu. Imuac onac ninzénj ninzénj zéma ninjkinzénj imi Anutuac muru hezac.

<sup>22</sup> Ini ac héla imi ninthohe kecma<sup>†</sup> onac qeri uŋagina imi météréma ninzénj ninzénj dacmuna hécgina hélacnec goi héihéi waŋ énécmianzu, imuac ewa qerigina lalacnec zéma qerigina dumuŋanéj siŋniŋ waŋamuma kecmu.

<sup>23</sup> Ini muŋguc qelima hicŋigic imi gocmia kecma houanzac imuhucyaiguc qahac, néj gocmia ménda houhouya igucnec hicŋigic. Imi mia Anutuac ackuazéc kekecyaguc tetcgia qahac kecanczac imi mia.

<sup>24</sup> Hénia imi yomuhuc; Ic séwigina momac yanda imi zariŋ ura ésécnec. Waŋu kiwi edamugina imi zariŋ zuria ésécnec. Zariŋ ura imi kaiwenéj zeyu sélécgéanzac. Waŋu zariŋ zuria imi bura tima maanzac.

<sup>25</sup> Néj Miŋ Kewuninawac ackuazéc imi tetcgia qahac heanzac zéyec. Waŋu ackuazéc imi buŋa suruc hiabia zéau énécmiŋi ninjic imi mia.

## 2

*Baŋa kekecyaguc Yesu zéma iwac aŋgéh tiénécmimia.*

---

<sup>†</sup> **1:22:** Ac héla imi ninthohe kecma; Kiwi méranéj ooya tosaraiguc Uŋawac kuhanéj.

<sup>1</sup> Imuac bec, kaiziliwen haka hénia hénia zéma ala batuc haka hénia hénia zéma ikoc zéma nimbupuc zéma zébiriqébiri hénia hénia imi moczon gilidacgic kenju.

<sup>2-3</sup> Miñ Kewuac goi héihéiya imuac siña ninzuciguc, merac sacsac éséc nec qeriginanéñ namu téréya niñac wammu, imuhuc wamma yandima aňgég tiigiuc keremmu.

<sup>4</sup> Wañu ini imi baec icnéñ qéfacgégic, néñ Anutunéñ niñu eeyaguc wañu eneya buña gésimiyec baña kekecyaguc Yesu Kristo iwac muru hamu.

<sup>5</sup> Hagic hofac oo ic areñhéra téréya wamma mulu manañ hofac hiabia Anutunéñ siña nimma aňgég timacac sécya omimu niñac, Yesu Kristonéñ hoc kekecyaguc éséc nec meyac énécmiyu toroqe amuma amaya téréya wamma keczu.

<sup>6</sup> Kiwi téréyaiguc ac mén yomuhuc ooyawac hezac; Héngic, ni Zion ama imuaru baña mén wañgoñaguc sérañ éséc buña qemima haizua. Wañu ic méréneñ ninzégég mimac imi gamusiñ gamusiñiguc ménda opocopora wammac zéyec.

<sup>7</sup> Imuac niñac ninzégégzu onac muru imi eeyaguc wanzac, néñ ménda ninzégégzu ionac muru imi hoc mén mericqe ic eneñ héñara mema gilicgic kenkenja iminéñ ama wañgoñaguc hiñgacma ama imuac oruha wamma taru

<sup>8</sup> tosara hoc imuaru qonzon tongéanzu. Wañu zamanziñ hoc imuaru mama unuanzac zéyec. Imi mia ackuazéc ménda tohoanzu imuac niñac mama unuanzac. Wañu ic imuhucya imi imuhuc wammu niñac hezac.

<sup>9</sup> Wañu ini imi siñi tunumanñ yanda iguc-

nec héihéré énécmima edamuya hiabia soroc imuac qeriaiguc onoporec iwac hénia hiabia zéau énécmimu niñac hénarinj héra buña qeéncmimia zéma hofac oo ic, ic kewuac séc eñeña zéma iwac héngalen ama areña yanda téréya zéma ic embac eñeya buña qeéncmimia wamma keczu.

<sup>10</sup> Ini imi becnec ic embachéra ménda kecgic, néñ deguc imi Anutuac ic embachéra wamma keczu. Wañu becnec imi wésé niniñ ménda wañ énécmiyu kecgic, néñ deguc imi wéséniniñ wañ énécmiyu keczu.

*Anutuac welenqege ic kecmu.*

<sup>11</sup> Ala sorochécna, meseli énécmima zézua, onac imi baeciguc ic kian zéma ic qañ ésécnec nimma qeri uñaginawac hazéc wammima yaréya qeanzac séwigina imuac siñ imi sigima kecmu.

<sup>12</sup> Ic enia ionac suc ginaiguc wawañ memegina hiabianec wamma kecmu. Biria meme zéma zébiriqébiri wañ énécmianzu ieneñ onac ai meme hiabia imi hémma Anutuac hahayawac naléiguc\* qac buñaya mepésimu.

<sup>13</sup> Miñ Kewuac niñac wamma hénac ac hénia hénia icnéñ zéseligic imi moczoñ tohodacmu. baecac ic kewu eñeña me

<sup>14</sup> inéñ méli énécmiyu hama haka biria wanzu taségina melen énécmima, haka hiabia wanzu bakia hiabia melen énécmianzu baec galen imi onac imuhucyanec wañ énécmimu.

<sup>15</sup> Hénia imi yomuhuc; Wawañ memegina hiabia iminéñ ic diwi qiwiliña ionac acgina sic

---

\* **2:12:** Anutuac hahayawac nalé; Luk 19:44, Mmh 3:16, Mmh 32:34, Leg 58:6.

saocya imi méwécgému iminéñ mia Anutuac ewa siñ wanzac.

<sup>16</sup> Εἴησθε ἐνηγῆ κεκεκ μιῖνα κεκμυ, νῆγ ἰμυακ κυηανῆγ βῖρἰα μῆνδα μυσαγγῆμα wammu. Wañu Anutuac welenj qeçe ichéra ésécneç kecmu.

<sup>17</sup> Ic moczoñneç ee héihéi hiabianec wañ énécmimu. Wañu ninzénj ninzénj dacmuna héçgina siñniñ wañ énécmima Anutuac bac yandi yandi wamma baecac ic kewuya ee héihéi wañ énécmimu.

*Qenzen manzenj kekecac séséc.*

<sup>18</sup> Welenj qeçe ic ini zénénj hirihiri wamma miñ héçgina ionac ewa bacginaiguc memaamuma kecmu. Wañu ic kuneñ héçgina hiabia bénzénja ionac sac qahac, nῆg goi biric wañ énécmianzu ionac muru momacneç imuhuc wañ énécmimu.

<sup>19</sup> Réwéri hénia qahac mihicñi énécmigic Anutu niñqelima bisima kecmu imi haka hiabia soroc.

<sup>20</sup> Képésicgina niñac unuhéi wañgic bisiqaténj wammuiguc némac niñac zéhiaru énécmimac? Haka hiabia wamma qenzenj manzenj mihicñima efima bisimu imi Anutuac kiwaiguc haka héñsoroc sorocgia wammac.

<sup>21</sup> Hénia imuac mia ini héihéré énécmimiyec. Kristo imi acguc onac wamma qenzenj manzenj mihicñi migic bisima séséc wañ énécmiyec imi ini hémma eñeya hénanec méndacma tima hamu zéma imuhuc wañ énécmiyec.

<sup>22</sup> Inénj kápésic ménj ménda wañec. Wañu kuaya igucneç ikoc ac ménj ménda zéyec.

<sup>23</sup> Zébiri migic kitiwa ménda zébiri énécmiyec. Qenzenj manzenj mihicñi migic ménda tericgé

énécmiyec, néné baec ic solañanec gési nénécmianzac iwac mériaiguc eneya haiamuyec.

<sup>24</sup> Wañu iciguc qegic namma eneya séwiiguc neñañ kápésicnina bisidarec. Imi mia neñañ kápésicac muru humuma haka solañawac muru qelia kecbiñ niñac imuhuc wañ nénécmiyec. Inéñ wiziyaguc wañu ini hiarugic.

<sup>25</sup> Becnec imi rama ésécnec rouc wamma keñgic, néné deguc imi uñaginawac rama galen zéma héngalen miñina keczac iwac muru liliñgéma hama keczu.

### 3

#### *Eu iniñ onac pakeñ ac.*

<sup>1</sup> Iniñhécgina ini imuhucyanec euhécgina ionac acgina niñtoho wañ énécmimu, imuhuc wañgicguc tosara Anutuac ackuazéc ménda niñtohoanzu imi eneñ acguc iniñ hécgina ionac acgina niñac qahac, néné wawañ memegina niñac wamma liliñgémic añgéné tiénécmimacac séc wammac.

<sup>2</sup> Hénia imi yomuhuc; Bac yandi yandi wamma hakagina qala qalanec wamma kegcic inicdaczu.

<sup>3</sup> Oruc miñics me soron goli me zari maleku tamera hénia hénianéñ séwiginaiguc ménda mezeric qezeric wammu,

<sup>4</sup> néné ewa qeriginaiguc qeri ic sanjima hezac imuac mia wamma memaamuma luae ménda houmacac séc imuhucyanéñ mia mezeric amuma kecmu. Imuhucya imi Anutuac kiwaiguc eeyaguc yanda wañanzac.

<sup>5</sup> Becnec embac téréya tosara niñkumugina Anutuac muru haima kegcic ieneñ acguc



imuhucyanec wamma euhécgina ionac acgina niñtoho wamma haka iminéñ mezeric amuma kecañgic.

<sup>6</sup> Saranéñ Abarahamac miñna zémima niñtoho wammiyec ésécnec ini acguc haka hiabia wamma haka tosara zénéñ hirihiriyawac séc mihicñima kileñ bac yandi yandi ménda wamma kecma iwac\* bérachéra wandaczu.

<sup>7</sup> Embac euhécgina ini imuhucyanec niñtegic qinñtegicgina méndacma iniñ hécgina iniguc kecmu. Embac imi zéic bébélacgia ésécnec, wañu kekec hémbénaña ewa hiawac énécmimia imi momacnec mératéc memu imi niñtegicma eegina héiéncmimu. Imuhuc wañgic zéwelecwelec ginanéñ néhé néhélia qahac wammac.

<sup>8</sup> Acna metecgéma zéwa niñgic; Ini moczoñ yanda ewa momaciguc kecma méñac méñ wésé nininiguc dacmuna ésécnec goi héihéi wañamumu. Wañu ewa biric wañamuma memaamuma kecmu.

<sup>9</sup> Haka biriawac haka birianec, zébiri qébirawac zébiri qébirianec ménda melené énécmima kileñ mozoc ac hiabia wañ énécmimu. Imuhuc wamma mériañ imi mératéc memu niñac héihéré énécmiyec.

<sup>10</sup> Imuac mia kekecac goiya héima nalé hiabia mihicñimañ zé wanzaciguc ezelaña neuñ héimima ac biria ménda wamma kua tasiaya iminéñ ac ikora ménda zémac.

<sup>11</sup> Wañu biria igucnec liliñgéma haka hiabia wammac, wañu luae kekec niñac hochoc ai mema

---

\* **3:6:** Sarawac.

seligima nesima méndacmac.

<sup>12</sup> Imuac hénia imi yomuhuc, miñ kewuninawac kiwa imi ic solaṇawac muru hiyu keṇanzac. Waṇu gezawa imi ionac zéwelec welecginauwac haiyu heanzac, néṇ haka biria waṇanzu ionac imi kic ségérayanéṇ tawi énécmianzac zéma zéyec.

<sup>13</sup> Waṇu seliseli wamma haka hiabia wamma kecmuiguc mérénéṇ zéra waiya énécmimac?

<sup>14</sup> Waṇu haka solaṇawac waṇgic unuhéi wammu imi ségiségi ginaguc. Némac iwawai niṇac ic tosara bac yandi yandi waṇanzu imuac mia ini bac yandi yandi ménda wamma bac zazac ménda wammu, néṇ

<sup>15</sup> ewa qeriginaiguc Kristo i miñ kewuginawac buṇa métérégic kecmac. Waṇu ewa qeriginaiguc niṇkumu hezac imuac hénia qesi nimbiṇ zé waṇgic bénzéhnecc melen énécmimaṇ zé nalé séc zéréhqéréṇ wamma kecmu,

<sup>16</sup> néṇ gum bénzénzén zéma ee héihéiiguc wammu. Waṇu ewa kétin kétiṇ ginanéṇ qala qalagianec hemac. Imuhuc waṇgic onac wawaṇ meme hiabiawac zébiri qébiri waṇ énécmimu imi eneṇ mema titi hakaginauwac gamugina mi-hicṇimu.

<sup>17</sup> Haka hiabia wamma qenzeṇ manzeṇ mi-hicṇimu imi Anutuac ewa siṇ wanzaciguc haka biria wamma qenzeṇ manzeṇ mi-hicṇimu imi ogiczac.

<sup>18</sup> Kristo imi hatac momacguc késpedesic ic momac yanda onac niṇ wamma humuyec. Ic solaṇanéṇ neṇaṇ késpedesic niṇac mulu meyec. Imi mia

nonagicma Anutuac muru kemma nonopocman zé imuhuc wañec. Inéñ mia séwiiguc qegic humuyec, néñ uñaguc imi meqelimiya kekecyaguc wañec.

<sup>19</sup> Inéñ uñaguc kemma uña tosara humucac hésa qatéciguc kegcic ionac ackuazéc zéau énécmiyec.

<sup>20</sup> Imi enenñ mia becneç Noanéñ zéic miyacgéma keru nalé imuaru Anutunéñ nalé horua qeri bénzéniguc mambéc énécmiyu acqeçe wañgic ienenñ mia. Wañu zéic imuac qeriaiguc emma doku igucnec aňgén tiénécmimia ionac zaňgégina imi 8 sac wañec.

<sup>21</sup> Doku imi Yesu Kristoac humuc igucnec yayac niñac deguc imi melemma aňgén titiac asé kiwiya wanzac. Imi mia doku naec haka imi mia. Wañu imi mia séwiasc kápésic zuac énécmimiawac iwawai qahac, néñ ewa kétinjkétiñ solañanéñ Anutu miñicñimañ zé hénima kenkeña imuac asé kiwiya wanzac.

<sup>22</sup> Yesu imi kurumeñu emma Anutuac méra héiyaiguc taczac. Taru kua meme uña zéma ai memec qac buñaginaguc zéma kuc buñaginaguc ienenñ iwac méra bacyaiguc kecdaczu.

## 4

*Anutuac goi héihéi imuac welenñ qeçe ic hiabia.*

<sup>1</sup> Kristo imi séwiyaguc qenzenñ manzenñ miñicñiyec imuac niñ, ini acguc Yesu niñec séc nimma niniñ iminénñ yaréac malekugina ésécnec héiamumu. Séwiiguc qenzenñ manzenñ niñec iminénñ kápésic igucnec eliñgé amuanzac.

<sup>2</sup> Elinyéamuma inéj baecac kekec hemizac séc munjuc siñ biria ménda méndacma Anutuac ewa siñac sac méndacma kecmac.

<sup>3</sup> Ini kaiseroac siñ zéma hémbaoc zéma niñgoñ zéma nezéléléñ zéma newa qewelonj zéma baniarawac ireha welenj qema ic enia wañanzu ésécnec haka imuhucya becarunec wamma hama nalé hiadac audaczu.

<sup>4</sup> Wañu enej imi i iniguc iwawai auquma kekec imuac qaonjaguc ménda hololoma kenjic, ienenj inicma niñgic haka méréra wañu zébiri qébirinéñ qacginaguc héigic enzac.

<sup>5</sup> Wañu ienenj kecma humuc zéma kic qeli kekec héniagina niñgési énécmimac niñac zéréñ qéréñ wamma keczac iwacmuru héniagina zéaumuc hezac.

<sup>6</sup> Hénia imuac niñac mia humuc ionac muru buña suruc hiabia imi momacnec zéau énécmimia wañec, hénia imi ic embac kic qeli kekera ésécnec niñgési énécmimia wammac, néñ uñajuc imi Anutuac hénia séc kecmu niñac imuhuc wañ énécmiyec.

<sup>7</sup> Iwawai momac yanda imuac nalé tetcgia ducñizac. Imuac bec niniñgina asac asarianec kecma séwiac siñ waima zéwelec wamma kecmu.

<sup>8</sup> Goi héihéinéñ késpedes sasala hoturu énécmianzac imuac niñ hena yomuac niñgic tosara onogicma eneña wañu qeriginanéñ goi héihéi wañamuma kecmu.

<sup>9</sup> Ini njindic njunducya qahac welenj qeamuma kecmu.

<sup>10</sup> Anutunéñ ic embac enac enac ewa hiawac ai buña hénia hénia énécmiyec séc ama galeña

hiabia wamma Anutuac ewa hiawac buᅇa hénia héniaiguc welenᅇ qeénécmimu.

<sup>11</sup> Ic ménᅇnéᅇ ac ménᅇ zémanᅇ zé Anutuac ackuazéc ésécnec zémac. Waᅇu ménᅇnéᅇ ménᅇ welenᅇ qeénécmimanᅇ zé Anutunéᅇ kuc miyu wanzac ésécnec wammac. Imuhuc waᅇu ai hénia héniaiguc Yesu Kristoac qaraiguc Anutunéᅇ edamuyaguc wammac. Iwac muru mia edamuya zéma kuc yandanéᅇ nalé tetecgia qahac hema kecmac. Hélacnec!

*Qenzenᅇ manzenᅇ Kristoac tohotoho ichéra nenᅇaᅇ buᅇa.*

<sup>12</sup> Ala sorochécna, ini batucgé énécmimanᅇ zé zéra waiya geriwagucnéᅇ hicᅇi énécmiyu haka méréra hicᅇi énécmizac ésécnec ménda aurimu.

<sup>13</sup> Waᅇu ini keᅇ kecma iwac eebipiya winini-mac nalé imuaru ewa hia nimma zézé ségiségi wammu niᅇac Kristoac qenzenᅇ manzenᅇaiguc toroqema ségiségi wammu.

<sup>14</sup> Ini Kristoac qara niᅇac wamma zébiri qébiri ac waᅇ énécmimu iguc imi zézé ségiségi ginaguc wanzac. Imi mia Uᅇa eebipiyaguc, Anutuac Uᅇa iminéᅇ qacginaiguc keczac imuac niᅇ imuhuc zézua.

<sup>15</sup> Succinaiguc ménᅇnéᅇ ménᅇ biᅇ suᅇa me kowu nene me haka biria me kua suruᅇ ic ésécnec ménda waᅇgic qenzenᅇ manzenᅇ ménda mihicᅇi énécmimia wambac niᅇac.

<sup>16</sup> Waᅇu Kristoac ic kecma qenzenᅇ manzenᅇ mihicᅇi énécmimia waᅇu gamugina ménda nimmu, néᅇ néwécgeᅇa Yesuac qara niᅇac Anutu mepésimu.

17 Anutuac ama neñanğuc gésigési ai hénima memac imuac naléya ducñizac. Neñan muru walac hénima gési nénécmimaciguc ic embac tosara buña suruc hiabia imi ménda tohoanzu ionac tetecgia imi yei dimuhuc wammac?

18 Wañu ic solañanéh anğéh titi mihicñiman zé ai yanda wammaciguc, Anutu eeya ménda héimianzu imi eneh zéma késpedesic ic ieneñ nanan dimuaru nammu?

19 Imuac Anutuac ewa siñ tohoma zéra béra mihicñimu ieneñ imi haka hiabia wamma qeri uñagina imi mihicñi mihicñi miñina méñzé méñzéya qahac iwac muru qutuñgé amumu.

## 5

### *Anutuac rama dimuhuc galeñgé énécmiwiñ?*

1 Sugcinaiguc qeriawac galeñ ini ni momacnec qeriawac galeñ wawaña zéma Kristoac qenzeñ manzeñ imuac héipuc ic zéma edamuya wininiyu toroqemañ niñ zénénéña neñ zéhinoc wañ énécmizua.

2 Sugcinaiguc Anutuac rama tuñ keczu imi galeñgé énécmimu. Zénañgéiguc qahac, néñ Anutuac ewa siñ méndacma eñañ siñginanéh wañ énécmiyu inicgaleñ wañ énécmimu. Wañu soukiwa niñac hémbaoc wamma qahac, néñ welen qeénécmiwiñ zé seliseli wamma memu.

3 Wañu niñkumu énécmima ic embac méraginaiguc onoporu keczu i kewu ménda wañ énécmimu, néñ rama tuñ ionac muru haka hiabia énézégic héñgic kecmu.

<sup>4</sup> Imuhuc wamma kecgic rama galenjonac kiwaginanenjon hamac nalé imuaru ic kewuac opoc edamuyaguc ménda méiméiya énécmiyu memu.

<sup>5</sup> Ic qapé wiliña, ini imuhuyanec kua memegina ninjotoho wanjon énécmima moczonjon yanda enjaocnec memaamuma haka iminenjon malekugina ésécnec héima kecmu. Anutu imi séwi enenjon ic hazéc wanjon énécmianzac, nenjon memaamuma kekec ionac imi ewa hiawac wanjon énécmianzac imuac mia imuhuc zézua.

<sup>6</sup> Imuac Anutuac méra selia imuac bacyaiguc memaamuma kecgic naléya ducnijyu meyac énécmimac.

<sup>7</sup> Inenjon mia qeriyanenjon donjon énécmianzac imuac ninjon ninjogina yéwéria imi moczonjon yanda iwac muru haidacmu.

<sup>8</sup> Ini galenjoné amuma técgina nimma kecmu, hazéc yandagina Biria minjanenjon laion ésécnec qécgé énécmimanjon zé qacma silacma lelecgéma hohoc ai mezac.

<sup>9</sup> Imuac i hazéc wammima ninzénjon ninzénjogina meselima nammu. Dacmuna hécgina baera baera keczu imi enenjon acguc qenzenjon manzenjon imuhuyanec hicnjon énécmiyu keczu imi ini ninzu hénia imuac mia imuhuc zézua.

<sup>10</sup> Wanjon ewa hiawac ai buñja hénia hénia imuac minjina Anutu, enjeya edamuya hehe selia imuac qeriaiguc keremmu ninjac Kristoac qeriaiguc héihéré énécmiyec inenjon mia nalé hotonjadac qenzenjon manzenjon mihicnjon keczu ini enjeyaoc meqeli énécmima kuc énécmima meseli énécmimac.

<sup>11</sup> Iwac muru kuc seli towia towia hema kecmac. Hélañec!

*Yaizéze ac teteçgia zéma mozoc ac.*

<sup>12</sup> Dacmuna solaña Siliwano ic keñhéi hahéiya qahac zéma niñmianzua inéñ méra néñu ac hotoña dac yomi oma zénañgé énécmima ackuazéc yomi imi Anutuac ewa hia héla wanzac imi héipuc wamma zézua imuac niñ ini ewa hia imuaru selianec nammu.

<sup>13</sup> Babilon baec yandaiguc henaoriñ keczu ieneñ yaizézeçina zézu. Wañu nuac ninzéñ ninzéñ naña Mareko acguc imuhuc énézézac.

<sup>14</sup> Ini goi héihéiac kiricne qiricne wañamuma ewa hia acgina zégic keñha wammac. Kristoac qeriaiguc keczu ic embac momac yanda onac muru luaenéñ he énécmimac.



**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665